



REPUBLIKA E SHQIPËRISË  
AUTORITETI I KONKURENCËS  
KOMISIONI KONKURENCËS

Nr. 662/prot.  
7

Tiranë, më 22.12.2022

VENDIM

Nr. 937, Datë 22.12.2022

**“ MBI AUTORIZIMIN E PËRQENDRIMIT TË REALIZUAR NËPËRMJET PËRFTIMIT TË KONTROLLIT TË SHOQËRISË RACEDEPARTMENT B.V. NGA SHOQËRIA DR. ING.H.C.F. PORCHE AKTIENGESELLSCHAFT”.**

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Adriana BERBERI	Anëtar
Znj.	Rezana KONOMI	Anëtar
Z.	Durim KRAJA	Anëtar

Në mbledhjen e tij të datës 22. 12. 2022, shqyrtoi çështjen me:

**Objekti:** Autorizimi i përqendrimit i realizuar nëpërmjet përfutimit të kontrollit të shoqërisë RaceDepartment B.V. nga shoqëria Dr. Ing.h.c.F. Porche Aktiengesellschaft.

**Baza Ligjore:** Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

**Komisioni i Konkurrencës**, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfutimit të kontrollit të shoqërisë RaceDepartment B.V. nga shoqëria Dr. Ing.h.c.F. Porche Aktiengesellschaft.

**VËREN SE :**

**I. Palët në transaksion dhe procedura**

Pranë Autoritetit të Konkurrencës është depozituar njoftimi mbi përqendrimin e realizuar nëpërmjet përfutimit të kontrollit të shoqërisë RaceDepartment B.V. nga shoqëria Dr. Ing.h.c.F. Porche Aktiengesellschaft.

Referuar dokumentit “Marrëveshje për blerje aksionesh”, datë 10 nëntor 2022, palët janë:

**Pala blerëse:** Dr. Ing.h.c.F. Porche Aktiengesellschaft, është një shoqëri publike, e themeluar sipas legjislacionit gjerman, me objekt aktiviteti: Prodhimin dhe shitjen automjeteve dhe motorëve të të gjitha llojeve, si dhe pjesëve dhe montimeve për produkte të tilla dhe të tjera teknike, etj. Dr. Ing.h.c.F. Porche Aktiengesellschaft është një filial i zotëruar në mënyrë indirekte nga Volkswagen Aktiengesellschaft, kompania mëmë e Volkswagen Group.

Grupi Volkswagen është aktiv në të gjithë botën në zhvillimin, prodhimin, tregtimin dhe shitjen e makinave të pasagjerëve, automjeteve të lehta tregtare, kamionëve, autobusëve, shasive për autobusë dhe motorët me naftë, biçikleta motorike, duke përfshirë edhe prodhimin e pjesëve rezervë dhe pajisjeve shtesë. Grupi Volkswagen gjithashtu angazhohet dhe në shpërndarjen e automjeteve.

Grupi Volkswagen, operon në Shqipëri përmes shoqërive të zotëruar indirekt prej tij: Porsche Albania SHPK dhe Porsche Leasing SHPK.

*Porsche Leasing SHPK* është një shoqëri me përgjegjësi të kufizuar, e themeluar sipas legjislacionit shqiptar, me objekt aktiviteti; veprimtari e qirasë financiare, agjent në sigurime.

*Porsche Albania SHPK* është një shoqëri me përgjegjësi të kufizuar, e themeluar sipas legjislacionit shqiptar, me objekt aktiviteti; shitje me shumicë dhe pakicë të automjeteve të të gjitha llojeve, pjesëve dhe aksesorëve të tyre, kryerje e riparimeve të të gjitha llojeve të automjeteve, përfshirë montimin e automjeteve të përfunduara, modifikim i automjeteve dhe prodhim i pjesëve dhe aksesorëve, etj.

**Pala shitëse 1: Department Network B.V.** është një shoqëri private me përgjegjësi të kufizuar, e themeluar sipas ligjeve të Hollandës. Department Network B.V. zotëron 94.2% të aksioneve në shoqërinë target.

**Pala shitëse 2: J. Truijens Management B.V.** është një shoqëri private, me përgjegjësi të kufizuar, e themeluar sipas ligjeve të Hollandës dhe zotërues i 5.8% të aksioneve të shoqërisë target.

**Shoqëria Target: RaceDepartment B.V.**, një shoqëri e themeluar sipas legjislacionit hollandez, aktiv në shitjen e hapësirës së reklamimit në internet dhe marketingun në internet/website, shërbimet e publicitetit dhe shfrytëzimit, me fokus në lajmet (me pagesë) dhe përmbajtjen mediatike në lidhje me motosportin virtual dhe atë real, lojëra garash, simulime garash dhe hardware dhe software përkatës.

RaceDepartment B.V. nuk ka prezencë të regjistruar në Shqipëri dhe nuk gjeneron të ardhura në tregun shqiptar.

### **Palë të tjera në marrëveshje**

**Z. Gerrit Jan Abraham Hengeveld**, person fizik, shtetas i huaj, themeluesi i shoqërisë RaceDepartment B.V., i cili kryen administrimin e kësaj shoqërie për llogari të shoqërisë Department Network B.V.

**Z. Jaap Truijens**, person fizik, shtetas i huaj, është aksionari i vetëm i shoqërisë J. Truijens Management B.V.



## **II. Përqendrimi**

Ndërmjet shoqërisë Dr. Ing.h.c.F. Porsche Aktiengesellschaft (Blerësi), shoqërisë Department Network B.V. (shitësi), shoqërisë J. Truijens Management B.V. (shitësi), Z. Gerrit Jan Abraham Hengeveld dhe Z. Jaap Truijens është lidhur “Marrëveshje për blerje aksionesh”, në lidhje me aksionet në RaceDepartment B.V., datë 10 nëntor 2022.

Referuar kësaj marrëveshje, shitësit shesin aksionet tek blerësi, i cili pranon të blejë këto aksione. Shitësit dhe Blerësi bien dakord që shitja e aksioneve të përfshijë çdo/dhe të gjitha të drejtat që lidhen ose kanë të bëjnë me aksionet. Transferimi i aksioneve nga shitësit tek blerësi do të kryhet në datën e planifikuar të mbylljes, me anë të një akti noterial të transferimit të aksioneve për t’u ekzekutuar përpara noterit. Në aktin noterial të transferimit, shitësit japin pëlqimin e tyre për shitjen dhe transferimin e aksioneve tek blerësi dhe në këtë mënyrë heqin dorë nga çdo e drejtë blerjeje dhe / ose parablerjeje.

Në përfundim të transaksionit, shoqëria Dr. Ing.h.c.F. Porsche Aktiengesellschaft do të zotërojë 100% shoqërinë target, Race Department B.V.

Referuar marrëveshjes si dhe pasqyrave financiare të palëve, transaksioni i propozuar, përbën një përqendrim në kuptim të nenit 10 dhe 12 të ligjit nr. 9121 datë 28.07.2003 “Për mbrojtjen e konkurrencës” dhe si i tillë është objekt autorizimi nga Komisioni i Konkurrencës.

## **III. Vlerësimi i konkurrencës**

Referuar nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, Udhëzimit nr.76, datë 07.04.2008 “Për përcaktimin e tregut përkatës”, si edhe praktikave evropiane në raste të ngjashme, treg përkatës i produktit do të konsiderohet tregu i (i) ofrimit të shërbimeve të reklamimeve në internet dhe (ii) ofrimit të përmbajtjes me pagesë dhe të financuar nga reklamat në internet, por duke qenë se transaksioni nuk do të ketë asnjë ndikim në tregun shqiptar, tregu përkatës i produktit do të lihet i hapur. Treg përkatës gjeografik do të konsiderohet territori i Republikës së Shqipërisë.

Transaksioni i propozuar është përfundimi i kontrollit të shoqërisë RaceDepartment B.V. nga shoqëria Dr. Ing. h.c.F. Porsche Aktiengesellschaft.

Dr. Ing. h.c. F. Porsche Aktiengesellschaft është një filial i zotëruar në mënyrë indirekte nga Volkswagen Aktiengesellschaft, kompania mëmë e Volkswagen Group, i cili është prezent në Shqipëri përmes shoqërive të zotëruar indirekt prej tij: Porsche Albania SHPK dhe Porsche Leasing SHPK, në tregun e shitjes së makinave dhe në tregun e qerasë financiare e sigurime.

RaceDepartment B.V. nuk ka prezencë ligjore në Shqipëri dhe nuk realizon të ardhura në Shqipëri.

Pas implementimit të transaksionit, target do të zotërohet 100% nga Dr. Ing. h.c.F. Porsche Aktiengesellschaft dhe transaksioni i propozuar nuk do të ketë ndikim të afërt në tregun përkatës në Shqipëri.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë ndryshim dhe nuk do të ketë ndikim në tregun shqiptar.

## PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”,

## VENDOSI:

1. Të autorizojë përqendrimin e realizuar nëpërmjet përftimit të kontrollit të shoqërisë RaceDepartment B.V. nga shoqëria Dr. Ing.h.c.F. Porche Aktiengesellschaft.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.


## KOMISIONI I KONKURRENCËS

**Leida MATJA**




Zv/Kryetar

**Rezana KONOMI**




Anëtar

**Adriana BERBERI**



Anëtar

**Durim KRAJA**



Anëtar

